



Adresa: Ul. Hamdije Čemerlića 39a
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: UP-I/25-1-40-144-5/22

Datum: 08.04.2022. godine

„Agencija za vodno područje rijeke Save“ Sarajevo, rješavajući po zahtjevu Opštine Drvar za donošenje Rješenja o prethodnoj vodnoj saglasnosti u svrhu izrade projektne dokumentacije za sanaciju postojeće deponije komunalnog otpada „Vušića polje-Zaglavica“ i njeno prilagođavanje sanitarnom konceptu odlaganja otpada, na osnovu člana 109. stav (1) tačka 11. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98 i 49/99), donosi

R J E Š E N J E **o prethodnoj vodnoj saglasnosti**

1. Pravnom licu, Opštini Drvar daje se prethodna vodna saglasnost u svrhu izrade projektne dokumentacije za sanaciju postojeće deponije komunalnog otpada „Vušića polje-Zaglavica“ i njeno prilagođavanje sanitarnom konceptu odlaganja otpada.
 2. Prethodna vodna saglasnost može se koristiti isključivo za potrebe izdavanja okolinske dozvole i urbanističke saglasnosti.
 3. Prethodna vodna saglasnost izdaje se na određeno vrijeme, sa rokom važenja od tri godine od dana njene pravosnažnosti, ukoliko u tom roku ne bude podnesen zahtjev za izdavanje vodne saglasnosti, a ista se može izmijeniti u zakonom propisanim slučajevima.
 4. Prethodna vodna saglasnost se daje na osnovu pregleda dokumentacije, utvrđenog činjeničnog stanja i pod slijedećim uslovima:
 - 4.1. Izraditi investiciono tehničku dokumentaciju za pribavljanje vodne saglasnosti za sanaciju postojeće deponije komunalnog otpada „Vušića polje-Zaglavica“, Opština Drvar i izgradnju pratećih sadržaja prilagođenih regionalnom konceptu odlaganja, tj. za aktivnost za koju je procijenjeno da može privremeno ili trajno degradirati kvalitet vode ili ometati poboljšanje njihovog postojećeg kvaliteta .
- Investiciono-tehnička dokumentacija treba biti urađena od strane pravnog lica koje ima ovlaštenje (lista „A“) pribavljeno od strane Federalnog ministarstva poljoprivrede, vodoprivrede i šumarstva koja treba da obradi sva pitanja definisana članom 5. stav (2) Pravilnika o sadržaju, obliku, uslovima, načinu izdavanja i čuvanja vodnih akata („Službene novine Federacije BiH“, broj:31/15, 55/19, 41/20) koja su bitna za konkretan slučaj, a naročito:
- Kompletan proračun bilansa voda (uključujući sve oborinske vode, procjedne vode, evaporaciju i dr.), količinu i sastav očekivanih procjednih voda deponije, tehnologiju obrade voda, te količinu, sastav i način zbrinjavanja mulja zaostalog nakon obrade.
 - Proračun potrebnih količina vode za namjenu predmetne deponije (potrebne količine sanitarne vode, potrebne količine vode za pranje točkova vozila, radnih površina i manipulativnog prostora i sl.).
 - Proračun kvantitativnih i kvalitativnih karakteristika tehnoloških otpadnih voda sa predmetnog lokaliteta, pratećih objekata, saobraćajnih, parking i manipulativnih površina.
 - Tehničko rješenje prikupljanja i tretmana tehnoloških otpadnih voda sa predmetne lokacije sa svim potrebnim proračunima i tehničkim opisom sa definisanim načinom ispusta prečišćenih voda u recipijent.

- Dati osnovne podatke o recipijentu, sa detaljem ispusta prečišćenih voda u isti. Lokalitet ispusta prečišćenih voda mora biti naznačen na situaciji adekvatne razmjere, kao i mjesto vršenja monitoringa prečišćenih voda.

- Sistem drenaže i sakupljanja procjedne vode s njenim tretmanom na uređaju za prečišćavanje procjednih voda te ispuštanjem prečišćenih voda u definisani recipijent i/ili povrat efluenta na tijelo deponije.

- Prijedlog programa monitoringa procjednih voda, površinskih i podzemnih voda na predmetnom lokalitetu.

- Tehničko-tehnološke mjere koje će spriječiti kontaminaciju voda, tla i zraka. Radove na sanaciji deponije uskladiti sa principima, propisima i standardima EU, te sa propisima i zakonima BiH tj. Federacije BiH prema principima savremene multibarijerske zaštite.

- Treba biti priložena karta šireg područja, sa ucrtanom mrežom monitoring mjesta i prikazom rezultata do sada obavljenih ispitivanja kvalitativnih i kvantitativnih karakteristika voda (površinskih voda i podzemnih voda).

- Definirati da se opasni materijal i otpad ne smiju ni privremeno odlagati na česticu „vodno dobro“, odnosno u vodotoke i na njegove obale.

4.2. Da je planirana sanacija postojeće deponije komunalnog otpada „Vušića polje-Zaglavica i izgradnja pratećih sadržaja prilagođenih regionalnom konceptu odlaganja usklađena sa važećom prostorno-planskom dokumentacijom i razvojnim planovima Opštine Drvar.

4.3. Usvojenim sistemom prečišćavanja otpadnih voda mora se obezbijediti da kvalitet istih, a prije ispuštanja u recipijent, zadovolje granične vrijednosti utvrđene u članu 13. stav (4) Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“ broj: 26/20, 96/20).

4.4. Prije ispuštanja prečišćenih voda u recipijent potrebno je izgraditi okno za monitoring - reviziono okno.

4.5. Sanitarne otpadne vode potrebno je riješiti u skladu sa posebnim propisima i u skladu sa ugovorom koji će se sklopiti sa javnim komunalnim preduzećem ili firmom registrovanom za obavljanje te djelatnosti.

4.6. Samo čiste oborinske vode (vode sa krovova i zelenih površina) mogu se disponirati direktno u prirodni recipijent.

4.7. Investiciono-tehnička dokumentacija za pribavljanje vodne saglasnosti mora biti urađena na nivou projekta za pribavljanje odobrenja za građenje i u skladu sa uslovima iz ove prethodne vodne saglasnosti te uslovima iz plana aktivnosti sa mjerama i rokovima za postupno smanjenje emisija, odnosno zagađenja usaglašen sa najboljom raspoloživom tehnikom koji je usvojen od strane nadležnog organa.

5. Ova prethodna vodna saglasnost ne oslobađa podnosioca zahtjeva obaveze pribavljanja prethodne vodne saglasnosti za izgradnju lokalne/pristupne saobraćajnice na deponiju i eventualno drugih aktivnosti koje se planiraju izvoditi na predmetnom lokalitetu, a koje su navedene u članu 17. stav (2) Pravilnika o sadržaju, obliku, uvjetima načinu izdavanja i čuvanja vodnih akata („Sl. novine Federacije BiH“ broj: 31/15, 55/19, 41/20), od strane nadležnog organa.

6. Investitor je dužan kod izrade tehničke dokumentacije predvidjeti odgovarajuće mjere da predmetnom aktivnošću, za koje se utvrđuju uvjeti, ne bi došlo do šteta za okoliš ili nepovoljnih posljedica za vodoprivredne interese, a u protivnom je dužan iste nadoknaditi.

7. Po izradi investiciono tehničke dokumentacije u skladu sa uslovima iz dispozitiva ovog rješenja i stručnoj reviziji iste korisnik prethodne vodne saglasnosti dužan je da ovoj Agenciji podnese zahtjev za izdavanje Rješenje o vodnoj saglasnosti na projektnu dokumentaciju za sanaciju postojeće deponije komunalnog otpada „Vušića polje-Zaglavica“ Opština Drvar i izgradnja pratećih sadržaja prilagođenih regionalnom konceptu odlaganja, a u skladu sa važećom regulativom Federacije BiH.

8. Zahtjev za izdavanje vodne saglasnosti dostavlja se u skladu sa članom 8. i 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata.

Uz zahtjev se prilaže:

a. Revidovana Investiciono tehnička dokumentacija sanacije postojeće deponije komunalnog otpada „Vušića polje-Zaglavica“ i izgradnja pratećih sadržaja prilagođenih regionalnom konceptu odlaganja urađena u skladu sa uslovima iz ovog Rješenja,

- b. Rješenje o urbanističkoj saglasnosti za sanaciju postojeće deponije komunalnog otpada „Vušića polje-Zaglavica“ i izgradnja pratećih sadržaja prilagođenih regionalnom konceptu odlaganja,
- c. Okolinsku dozvolu izdatu od strane nadležnog ministarstva okoliša i turizma,
- d. Dokaz o uplati administrativne takse u iznosu od 60,00 KM , a prije izdavanja odobrenja za građenje.

9. Ukoliko nakon izdavanja ove prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavijestiti ovu Agenciju, odnosno kantonalno ministarstvo, prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.

O b r a z l o ž e n j e

Svojim aktom, bez broja i datuma Opština Drvar podnijela je zahtjev za izdavanje Rješenja o prethodnoj vodnoj saglasnosti u svrhu izrade projektne dokumentacije za sanaciju postojeće deponije komunalnog otpada „Vušića polje-Zaglavica“ i njeno prilagođavanje sanitarnom konceptu odlaganja otpada.

Uz zahtjev je dostavljena slijedeća dokumentacija:

A Opšta dokumentacija:

- Obavijest o razvrstavanju pravne osobe prema klasifikaciji djelatnosti, broj:07-32.5-45564/17 od 10.05.2017. godine izdata od strane Službe za statistiku za područje Kantona 10 – ovjerena kopija,
- Uvjerjenje o poreznoj registraciji od 10.05.2017. godine izdato od strane Kantonalnog poreznog ureda u Livnu - ovjerena kopija,
- Rješenje o ovlaštenju državnog službenika, broj:0204-608/21 UP od 30.07.2021. godine izdato od strane Opštine Drvar – kopija,
- Izvod iz posjedovnog lista broj 303, broj:04-26-3-355/22-2 od 08.02.2022. godine izdat od strane Službe za imovinsko pravne i geodetske poslove opštine Drvar,
- Skica snimanja K.O. Podovi, broj:04-26-4-354/22 od 08.02.2022. godine,
- Mišljenje o usklađenosti, broj:04-19-9-353-1/22 od 14.03.2022. godine izdato od strane Službe za imovinsko pravne i geodetske poslove opštine Drvar,
- Dokaz o uplati upravne pristojbe.

B Tehnička dokumentacija:

- Studija za prethodnu vodnu saglasnost projekta sanacije postojeće deponije komunalnog otpada „Vušića polje-Zaglavica“ i njeno prilagođavanje sanitarnom konceptu odlaganja otpada, urađena od strane „Ipsa Institut“ d.o.o. Sarajevo, decembar 2021. godine.

Zahtjev je u skladu sa odredbama člana 124. stav (1) Zakona o vodama i člana 21. Pravilnika o sadržaju, obliku, uslovima i načinu izdavanja i čuvanja vodnih akata, bio oglašen dana 23.03.2022. godine na oglasnoj ploči Agencije i u dnevnom listu „Oslobođenje“. U postupku oglašavanja nije bilo pisanih izjašnjenja, niti izjašnjenja datih usmeno na zapisnik kod nadležnog organa.

Na osnovu uvida u dostavljenu dokumentaciju utvrđeno je slijedeće:

- Opštinska deponija komunalnog otpada „Vušića polje - Zaglavica“, udaljena je oko 4,5 km sjeverozapadno od opštinskog središta Drvara. Odlagalište je smješteno na visoravni kraškog tipa, iznad plodne kotline Unac, odnosno drvarske kotline, na nadmorskoj visini od 729 m n.m. na lokalitetu Vušića polje, u neposrednoj blizini regionalne ceste R408 Guvno-Martin Brod.
- Deponija zauzima parcelu površine cca 24.000 m² i može se svrstati u kategoriju tzv „divljih deponija“.
- Da bi se izvršila sanacija postojeće deponije otpada „Vušića polje - Zaglavica“, Opština Drvar i izvršila izgradnja pratećih sadržaja prilagođenih regionalnom konceptu odlaganja otpada potrebno je uraditi niz mjera i aktivnosti, što uključuje izgradnju svih objekata koji osiguravaju kvalitetno i sigurno funkcioniranje deponije, kako bi predmetni kompleks deponije udovoljio regulativi BiH i EU.
- Da bi se realizirali postojeći ciljevi i implementirali predviđeni zadaci Studijom je planirana realizacija sljedećih aktivnosti: sanirati postojeću deponiju na način da se sav stari otpad izolira od okoline, izgraditi novu sanitarnu kasetu za prihvrat novog otpada, izgraditi sistem za prihvrat i

tretman procjednih i dr. otpadnih voda, izgraditi sistem odvodnje površinskih (obodnih) voda, izgraditi sistem za otplinjavanje odlagališta, izgraditi objekte koji će omogućiti privremeno skladištenje i obradu prethodno razdvojenog komunalnog otpada uključujući opasni kućni otpad i dr. Planirana je izgradnja sljedećih objekata: sortirnice, reciklažnog dvorišta, objekata u sklopu ulazno-izlazne zone (administrativne zgrade, portirnice, garaže sa radionicom, kolske vage, platoa za ručno pranje točkova i podvozja vozila, nove ograde oko kompleksa deponije). Neophodno je organizovati i provoditi odgovarajući monitoring, te obezbjeđenje svega ostalog što je potrebno za uspješno upravljanje komunalnim otpadom.

Da bi se saniralo cijelo područje i eliminisao uticaj deponije na okoliš, potrebno je izgraditi kompletan kompleks deponije.

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, podnosiocu zahtjeva su ovim vodnim aktom, tačkom 4. dispozitiva rješenja, shodno odredbama člana 109. stav (1) tačka 11., 111. i čl. 53. st. (4.) i (5.) Zakona o vodama i člana 2. st. (1) Pravilnika o sadržaju, obliku, uslovima i načinu izdavanja i čuvanja vodnih akata te odredbama Uredbe o uslovima ispuštanja otpadnih voda u okoliš i sisteme javne kanalizacije propisani uslovi koje je Pravno lice dužno ispuniti prilikom izrade projektne dokumentacije, a u cilju smanjenja negativnih uticaja deponije na okoliš.

Podnosilac zahtjeva je uplatio posebne troškove shodno Zaključku ove Agencije, broj:UP-1/21-1-40-144-4/22 od 05.04.2022. godine.

Na osnovu dostavljene dokumentacije i provedenog postupka utvrđeno je da je pravno lice ispunilo minimum uslova za izdavanje Rješenja o prethodnoj vodnoj saglasnosti, te je riješeno kao u dispozitivu ovog Rješenja.


Podnosilac zahtjeva je uplatio upravnu taksu u iznosu od 80,0 KM u skladu sa članom 7. stav 1. tarifni broj 43. Zakona o federalnim upravnim taksama („Službene novine F BiH“, broj 6/98 i 43/13).

Pouka o pravnom lijeku

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja. Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Voditelj postupka:
mr sci. Selma Merdan, dipl.inž.geol.

za Po ovlaštenju
Rukovodilac Sektora za izdavanje vodnih akata


.....
Haris Ališehović, dipl. inž.građ.

Dostaviti:

- Opština Drvar
Titova 1, 80260 Drvar,
- AVP-ISV -Vodna knjiga,
- Sektor 40, arhiva,
- Oglasna ploča-AVP Sava